

# Шарма гор

Кузь нэм да бур шуд!

Эжва йывса войтырлөн газет



Петё 1929 восянь

Воторник, 2013 вося июль 30 лун 90 (10677)-ёд №

Озырлөн - преник да кампет, а гольлөн - коляоз да ли (коми шусьөг)

ТӨДӨЙ, МЫЙ ВЫЛЫС

## ТУРУН ЗАПТӨМ ЭШТИС

Вөльдиньыс крестьянин овмөс кутысь Михаил Николаевич Уляшевлөн эштіс турун заптөм - вөчис 25 тонна.

Өні зорөдьясө потшө. Видзө куим мөскөс, 8 куканьөс. Удж кокньөдөм могысь нель во сайын ньөбис трактор, кольөм воын - куртан, таво - ытшкан машина. Техникаөн отсалө и сиктсаяслы, кодьяс водзөссө отсасьоны юрасьны да зөрөдасьны.

## МЕДЫМ ТЫДАЛІС БУРДЖЫКА

Бурджыка петкөдлөм могысь Помөсдиньын да Парчын кышөдөны 40 метра судта телебашняяс.

Во помөдз татшөмөс жө вөчасны и Кулөмдиньын, Зимстаньын да Малейн. 70 метра судта башня лоас Мысын.

Локтан воын башняяс сувтөдасны Дзоллын, Вылыс Вочын да Пузлаын.

## НЕМДИНЫН ЛЭПТАСНЫ ШКОЛА

Немдиньын 198 велөдчысь вылө выль школа кышөдөм бердө босьтчис юркарысь «Северстрой» котыр.

Гөгөр потшисны, резьөдөны важ подуvsө. Выль ногөн кышөдасны өдйө, локтан вося сентябр кежлө.

## ВӨЧИСНЫ ВА ВИДЗАНИН

Выльгортын вөчисны өзйылөмгьясысь ва видзанін.

Вөчисны сикт шөрө, школа да клуб костө. Гусө кодйис Кулөмдинса ПМК, срубсө тшупис, суйис да тыртис ас вылө уджалысь Алексей Михайлович Холопов. «Помөсдин» овмөдчөминьын колө нөштө вөчны дасысь унджык ва видзанін.

## ЗБЫЛЬМӨДАСНЫ ТОМГЯСЛЫСЬ ВӨЗЙӨМГЯС

Районса конкурсын вермис томгьяслөн көкьямыс бала.

Вөчасны челядьлы ворсанінгьяс, котыртасны лагерьяс, гожа вөрсөмгьяс, ышөдасны томгьясөс бур вөчөм вылө, велөдасны гижны балаяс да с.в.

Тимшерсалы, парчсалы да пожөгсалы вичмис сьөма отсөг. Аныбсаяслысь вөзйөмгьясө төдвылө босьтис райадминистрацияысь общественностькөд да том йөзкөд уджалан юкөн, вөльдинсаяслысь да кужсаяслысь - культура да национальной туйвизь юкөн. Мыссяс мөвпгьясө портасны оломө предпринимательяс отсөгөн.

Асланым да общ. корреспондентгьяс, районлөн сайт вылысь.



Июль 26 лунө Кулөмдиньын кык юкөвөн муніс республикаса «Лесоруб-2013» конкурс. Огиас вермасисны вөр пөрөдан техника вылын уджалысь операторгьяс, мөдас - бензопилаөн пөрөдчысьяс. Петкөдчис 7 предприятиеысь 15 морт. Форвардьяслөн операторгьяс манипулятор отсөгөн вөчисны чуркаясыс башня, чукөртисны да тэчисны краскаөн пасйөм кергьяс. Пилаөн пөрөдчысьяс дасьтисны сийөс удж кежлө да уна ног шилитчисны.

Операторгьяслөн конкурсын вермысьон лоис «Монди СЛПК» котырлөн Вөльдинса юкөнысь А.И.Уляшев, мөдөн - «Комилесбизнес» котырысь

А.А.Чисталев, коймөдөн - ас вылө уджалысь В.В.Белыйлөн котырысь Н.М.Сенькин, нельөдөн - Сыстывкарса «СевЛесПил» котырысь Е.В.Романов. Пилаөн пөрөдчысьяслөн конкурсын медводзайн лоис ас вылө уджалысь С.В.Масгогинлөн котырысь П.А.Паршуков, мөдөн - Р.В.Третьяковлөн котырысь М.А.Попов, коймөдөн - ас вылө уджалысь А.В.Третьяковлөн котырысь В.И.Игнатов. Вермысьяслы вичмисны дипломгьяс, медальяс да сьөма козингьяс.

Алексей КОРЕЦКИЙ. Районса сайтлөн снимок вылып: форвардывьса медбур операторгьяс.

## МЕДЫМ БУРМИС ВЕЛӨДӨМ

Велөдан юкөнын пыдди пуктана уджалысьяс, дона баты-мам!

Сыкөд йитөдын, мый кыштө уна юалөм, ме шуи шыөдчыны Тиян дорө, медым Ти весиг эн мунөй воча, а гөгөрвоиньид сийө сьөкыда сетчысь кыккөртөдьясө, кодьясөс вөчам өні. Ме сөрнита велөдан юкөнын өткымын юридической лицоясөс отувтөм йылысь, сэтшөмгьясөс, кызди Лөгингьясга начальной школа-сад да Зимстанса шөр общеобразовательной школа, Вочса начальной да Вочса шөр школаяс, Паспомса начальной да Кулөмдинса шөр школаяс.

Ти ставныйд казылнныд, мый бөрья воясын миян республикаса велөдан юкөнын лоисны төдчана вежсьөмгьяс. Выльысь босьтчисны лэптыны школаяс да челядьлы садгьяс. Выльмөдсьө велөдчанінгьяслөн материально-технической подув. Российской Федерацииа президентлөн указгьяс серти содө велөдчысьяслөн удждон.

Бурланьö татшөм вежсьөмгьяс мунөны и районьын. «Велөдөм» юкөнлөн бюджет 2010 вося 377,3 миллион шайтсьян таво содис 575,5 миллион шайтөдз. 2011-өд восянь бөрья дас воон медводзаясь пансис капитальной стройтчөм. 2011-өд воын кутис уджавны школа Ягкөдчын. Талун өтпыйрйө вөчөны велөдан куим учреж-

дение Кулөмдиньын, Мысын, Немдиньын. Ена содис велөданінгьясөс дзоньталөм вылө веськөдан сьөм - 2010 вося 3 миллион шайтсьян тавося 20 миллион шайтөдз. Тайө воясын бөрйөмөн вуж-вийөныс дзоньталөма 31 велөданін, билы паньд сулалөм могысь вөчасисны дзик быдлаын. Ми вермим Тиянкөд отвьылысь вөчны ассьыным челядьнымөс велөдөм лөсяланаджыкөн, сьөлөм вылө воанаджыкөн, майшасьтөмджыкөн.

Эз инмы районлы и учреждениеясөс лөкөн кывсьяс «оптимизируйтөм» да «реструктуризируйтөм». Тайө кык воон ми отувтим сөмын кык школа - Дзоллысь эшпа челядя начальной школаяс отувтим Зимстанса шөр школа дорө.

Но районьын велөдөм оз вермы овны важ моз, сийө вежсьөмгьясысь бокын, кодьяс мунөны республикаын. Сы вылө видзөдтөг, мый велөдан юкөнылы вичмөдөны уна, медся төдчана лыдпасьяс абу ена бурөсь. Бөрья кык воон Коми республика пасьята миян медся омөльөсь лыдпасьяс отувья государственной экзамен сдایتөмөн, и аскияыс абу мича. Меньым сьөкыд висьтавыны, но 2013 воын быд витөд велөдчысь петис школаяс справкаөн.

Билы паньд сулалөм могысь уджгьяс вөчөм, санитарной законодательстволысь корөмгьясөс оломө портөм, дзоньтасян уджгьяс вылө весиг быд во сьөм

торйөдөмөн, ми ог вермөй портны оломө 100 процент вылө сийөс, мый тшөктөны видзөдысь органгьяс. Медся уна велөданін, кодьясөс колө вужвийөныс дзоньтавыны, буретпш миян районьын. Ми талун ог өнмөдөй велөданінгьяслысь подуvsө, а «кыскалам» сьөм дзикөдз важмөм велөданінгьяс вылө, медым дөмлыны розьяс. И тайө сы пыдди, мед сьөм муніс выль оборудование, мебель ньөбөм вылө, вөчны өнйя кадлы лөсялан велөдан жыргьяс. Тайө ставыс сьөктөдө школаясысь ыджыд вежөра челядьсө, водзө велөдчыны вермысьясөс, аския лунсө адззысьясөс лөдзөм.

Өнйя велөданінгьяслысь кутчысян-ногсө, кыв шутөг, колө, сийө либө мөдтор урчитөмөн, вежны. Районса велөдан юкөнын талун 74 юридической лицо. Та мындаыс абу сиктса ни өти муниципалитетын. Пример вылө, Сыктывсаын - 31, Лузабердсаын - 46, Емдинсаын - 35. Та вөсна и воөма кыккөртөдө отувтны өткымын юридической лицөс, а видзтөм сьөм веськөдны школалысь инфраструктура сөвмөдөм, велөданінгьяслысь материально-технической подув бурмөдөм, велөдысьяслысь удждон содтөм вылө.

Сувтлыны кө мукөд юалөмгьяс вылө, кодьясөс ти сетанныд, - автобусгьясөн мөгмөдөм, туйяс йылысь, то тайө юалөмгьясыс оломлы лөсяланось, но



Коми республика отсөгөн портсьоны оломө и кутасны портсьыны оломө водзө. Районлы сөмын таво воас школаса 5 автобус, мунөны Зимстанлань, Скөрөдумлань, Бадгёльйивлань, Аныблань да мукөдлаө нуөдан туйяс да посьяс дзоньталан уджгьяс. Ми эскам, мый примитан кыккөртөдьяс сетасны позьянлун кышөдны челядьнымөс велөдөм выль тшупөд вылө.

Пыдди пуктөмөн, «Кулөмдин» муниципальной районса юралысь - районса администрацияөн веськөдлысь Д.А.ШАТОХИН.